

# SAMÞYKKT

## um breytingu á samþykkt um stjórn og fundarsköp Svalbarðsstrandarhrepps nr. 689/1998, með síðari breytingum.

### 1. gr.

7. gr. samþykktarinnar orðast svo:

Sveitarstjórn heldur reglulega fundi einu sinni í mánuði, fyrsta þriðjuda; hvers mánaðar, eða samkvæmt nánari ákvörðun sveitarstjórnar. Sveitarstjórnarfundir skulu að jafnaði hefjast kl. 14.00. Heimilt er að fella niður fundi í sveitarstjórn í allt að tvo mánuði að sumarlagi.

Aukafundi skal halda í sveitarstjórn eftir því sem þörf krefur að mati oddvita og framkvæmdastjóra sveitarfélagsins og skylt er að halda aukafund í sveitarstjórn ef a.m.k. þriðjungur sveitarstjórnarmanna krefst þess, enda geri þeir grein fyrir ástæðum og fundarefni.

### 2. gr.

51. gr. samþykktarinnar verður svohljóðandi:

- A. Sveitarstjórn kýs fulltrúa í eftirtaldar nefndir, ráð og stjórnir til fjögurra ára, á fyrsta eða öðrum fundi að afloknum sveitarstjórnarkosningum:
1. *Félagsmálanefnd*. Þrír aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991 og annast nefndin m.a. málefni heimilisþjónustu, framfærslumál, öldrunarmál og áfengisvarnir. Félagsmálanefnd fer jafnframt með hlutverk jafnréttisnefndar, sbr. 10. gr. laga um jafna stöðu og jafnan rétt kvenna og karla nr. 96/2000.
  2. *Kjörstjórn við alþingis- og sveitarstjórnarkosningar*. Þrír aðalmenn og jafnmargir til vara skv. 15. gr. laga um kosningar til Alþingis nr. 24/2000, sbr. einnig 8. mgr. 14. gr. laga um kosningar til sveitarstjórna nr. 5/1998.
  3. *Landbúnaðarnefnd*. Þrír aðalmenn og jafnmargir til vara. Landbúnaðarnefnd fer með stjórn búfjárefirtirlits, fjallskila og tilnefni einn búfjárefirtirlitsmann og annan til vara skv. 9. gr. laga um búfjárhald, forðagæslu o.fl. nr. 46/1991 og skipar fjallskilastjóra samkvæmt lögum um afréttarmálefni, fjallskil o.fl. nr. 6/1986.
  4. *Skólanefnd*. Þrír aðalmenn og jafnmargir til vara skv. 13. gr. laga nr. 66/1995 um grunnskóla og skv. 9. gr. laga nr. 78/1994 um leikskóla.
  5. *Skoðunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
  6. *Stjórn bókasafns*. Þrír aðalmenn og jafnmargir til vara skv. 7. gr. laga um almenningsbókasöfn nr. 36/1997.
- B. Nefnda- og fulltrúaskipan samkvæmt sérstökum samningum á vettvangi héraðsnefndar, Eyþings eða við einstök sveitarfélög:
1. *Aðalfundur Eyþings*. Tveir aðalfulltrúar og jafnmargir til vara.
  2. *Barnaverndarnefnd*. Svalbarðsstrandarhreppur á aðild að sameiginlegri barnaverndarnefnd átta sveitarfélaga við Eyjafjörð, sbr. samning frá 24. nóvember 1999, sbr. heimild í 10. gr. barnaverndarlaga nr. 80/2002. Aðildarsveitarfélög þessa samnings, önnur en Akureyrarkaupstaður, kjósa einn fulltrúa í nefndina og varamann á fyrsta fundi (vorfundi) héraðsnefndar Eyjafjarðar sem haldinn er að afloknum sveitarstjórnarkosningum.
  3. *Héraðsnefnd*. Einn aðalmaður og annar til vara, sbr. sveitarstjórnarlög nr. 45/1998, samning um héraðsnefnd Eyjafjarðar frá 1. ágúst 1990 og samþykkt um héraðsnefnd frá 9. desember 1998.

4. *Svæðisbyggingarnefnd*. Einn aðalmaður og annar til vara skv. 6. gr. skipulags- og byggingarlaga nr. 73/1997 og gr. 1.2 í samningi um rekstur á byggingarfulltrúaembætti Eyjafjarðarsvæðis, dags. 12. desember 2001.
5. *Atvinnuþróunarfélag Eyjafjarðar bs.* Stjórn byggðasamlagsins skal skipuð fimm mönnum og tveimur til vara. Þar af tilnefni Akureyrarkaupstaður þrjá fulltrúa og einn til vara og önnur aðildarsveitarfélög tilnefna tvo fulltrúa og einn til vara. Kjörtímabil stjórnar er eitt ár og fer skipan hennar fram á aðalfundi, sbr. stofnsamning frá 15. október 1998, með síðari breytingum.
6. *Bygginganefnd Menntaskólans á Akureyri*. Einn fulltrúi sameiginlega með öðrum sveitarfélögum, en Akureyrarkaupstað innan héraðsnefndar, sbr. 37. gr. laga um framhaldsskóla nr. 80/1996.
7. *Bygginganefnd Verkmenntaskólans á Akureyri*. Einn fulltrúa sameiginlega með öðrum sveitarfélögum, en Akureyrarkaupstað innan héraðsnefndar, sbr. 37. gr. laga um framhaldsskóla nr. 80/1996.
8. *Heilbrigðisnefnd Norðurlands eystra*. Heilbrigðisnefnd skal skipuð til fjögurra ára á aðalfundi Eyþings að afloknum sveitarstjórnarkosningum, sbr. 2. gr. samstarfssamnings sveitarfélaga á Norðurlandi eystra um skipan heilbrigðisnefndar og rekstur heilbrigðiseftirlits, sbr. samþykkt frá aðalfundi Eyþings 4. september 1998, sbr. einnig lög um hollustuhætti og mengunarvarnir nr. 7/1998. Sveitarstjórnir í héraðsnefnd Eyjafjarðar, aðrar en bæjarstjórn Akureyrar, tilnefna einn aðalmann og einn varamann í heilbrigðisnefnd.
9. *Minjasafnið á Akureyri*. Samkvæmt 7. gr. stofnskrár um Minjasafnið á Akureyri frá 9. desember 1998 skulu sveitarfélög í héraðsnefnd Eyjafjarðar, önnur en Akureyrarkaupstaður, skipa sameiginlega tvo fulltrúa í stjórn safnsins og jafnmarga til vara. Kjörtímabil stjórnar er fjögur ár og er hið sama og sveitarstjórna.
10. *Náttúruverndarnefnd*. Sveitarfélög á svæði héraðsnefndarinnar skulu kjósa þrjá fulltrúa í náttúruverndarnefnd, sbr. 11. gr. laga um náttúruvernd nr. 44/1999.
11. *Símenntunarmiðstöð Eyjafjarðar*. Stjórn Símenntunarmiðstöðvar Eyjafjarðar skal skipuð sjö mönnum til eins árs í senn. Sveitarfélög í Eyjafirði, sbr. 4. gr. skipulagskrár Símenntunarmiðstöðvarinnar frá 29. mars 2000, tilnefna tvo fulltrúa, þar af Akureyrarkaupstaður annan en hin sveitarfélögin tilnefna sameiginlega hinn fulltrúann. Varamenn skulu tilnefndir með sama hætti.
12. *Skólanefnd Menntaskólans á Akureyri*. Einn aðalmaður og einn til vara sameiginlega með öðrum sveitarfélögum en Akureyrarkaupstað innan héraðsnefndar, sbr. 2. mgr. 6. gr. laga um framhaldsskóla nr. 80/1996, með síðari breytingum.
13. *Skólanefnd Verkmenntaskólans á Akureyri*. Einn aðalmaður og einn til vara sameiginlega með öðrum sveitarfélögum en Akureyrarkaupstað innan héraðsnefndar, sbr. 2. mgr. 6. gr. laga um framhaldsskóla nr. 80/1996, með síðari breytingum.
14. *Sorpeyðing Eyjafjarðar bs.* Stjórn byggðasamlagsins er skipuð fimm mönnum og jafnmörgum til vara, sbr. 9. gr. stofnsamnings frá 9. desember 1998. Skal stjórnin kosin af héraðsnefnd Eyjafjarðar og skal kjörtímabil hennar vera hið sama og héraðsnefndar, þ.e. fjögur ár.
15. *Veganefnd*. Sveitarfélög, sem aðild eiga að héraðsnefndinni, önnur en Akureyri, kjósa fimm aðalmenn, sbr. samþykkt héraðsnefndar frá 13. júlí 1994 og 5. gr. vegalaga nr. 45/1994, með síðari breytingum.
16. *Þjónustuhópur aldraðra*. Sveitarstjórnir í heilsugæsluumdæminu skulu skipa fimm fulltrúa í þjónustuhóp aldraðra, þar af tvo án tilnefningar, sbr. 7. gr. laga um málefni aldraðra nr. 125/1999, sbr. einnig 2. gr. reglugerðar um þjónustuhóp aldraðra nr. 791/2001 og vistunarmat aldraðra (Akureyrarkaupstaður hefur skipað einn og önnur sveitarfélög í heilsugæsluumdæminu einn sameiginlega).

17. *Hafnasamlag Norðurlands*. Einn aðalmaður og annar til vara í samvinnu við sveitarstjórn Grýtubakkahrepps.
18. *Landsþing Sambands íslenskra sveitarfélaga*. Einn fulltrúi og einn til vara.

Samþykkt þessi, sem sett er af sveitarstjórn Svalbarðsstrandarhrepps samkvæmt ákvæðum 10. og 25. gr. sveitarstjórnarlaga nr. 45/1998, staðfestist hér með til að öðlast þegar gildi.

*Félagsmálaráðuneytinu, 5. júlí 2002.*

F. h. r.

**Berglind Ásgeirsdóttir.**

*Guðjón Bragason.*

## SAMÞYKKT

### um breytingu á samþykkt um stjórn Akureyrar og fundarsköp bæjarstjórnar nr. 99/2000.

1. gr.

57. gr. samþykktarinnar verður svohljóðandi:

Bæjarstjórn kýs í eftirtaldar nefndir, ráð og stjórnir. Bæjarstjórn kýs formenn og varaformenn nefnda samkvæmt liðum A og B:

A. **Til eins árs.** Á fundi í júní ár hvert:

*Bæjarráð*. Fimm aðalfulltrúar í bæjarstjórn og fimm til vara skv. 38. gr. sveitarstjórnarlaga nr. 45/1998.

B. **Til fjögurra ára.** Á fyrsta eða öðrum fundi að loknum bæjarstjórnarkosningum skulu eftirtaldar nefndir kosnar.

1. *Atvinnumálanefnd*. Fimm aðalmenn og fimm til vara, sbr. samþykkt um atvinnumálanefnd frá 2. nóvember 1999.
2. *Áfengis- og vímuvarnanefnd* sem vinnur að forvörnum og er bæjarstjórn til ráðuneytis um áfengis- og vímuvarnamál. Fimm aðalmenn og fimm til vara.
3. *Félagsmálaráð*. Fimm aðalmenn og fimm til vara skv. 5. gr. laga um félagsþjónustu sveitarfélaga nr. 40/1991. Jafnframt fer félagsmálaráð með stjórn málefna aldraðra, sbr. samþykkt um skipan félagsmála á Akureyri frá 3. maí 1994. Þá sér ráðið auk þess um framkvæmd laga um húsnæðismál nr. 44/1998, önnur en fjárhagsmál sem heyra undir bæjarráð.
4. *Framkvæmdaráð*. Fimm aðalmenn og fimm til vara, sbr. samþykkt frá 20. júní 2000. Nefndin annast einnig búfjárefntilvit, sbr. 9. gr. laga nr. 46/1991, svo og málefni Slökkviliðs Akureyrar, Strætisvagna Akureyrar og stjórnar Fasteigna Akureyrarbæjar, sbr. samþykkt um framkvæmdaráð frá 20. mars 2001.
5. *Íþrótta- og tómstundaráð*. Fimm aðalmenn og fimm til vara, sbr. samþykkt frá 24. apríl 1990.
6. *Jafnréttis- og fjölskyldunefnd*. Fimm aðalmenn og fimm til vara. Nefndin fer með framkvæmd laga um jafna stöðu og jafnan rétt kvenna og karla nr. 96/2000 en að auki sér nefndin um framkvæmd fjölskyldustefnu Akureyrarbæjar frá 9. apríl 2002.